

ԱՐՁԱՆԱԳՐՈՒԹՅՈՒՆ

«ԱՐՄԵՆ ՍԹՈՈՆ» ՍՊԸ-ի կողմից նախատեսվող ՀՀ Արարատի մարզի Վեդի համայնքի Գոռավան բնակավայրի վարչական տարածքի Արարատի տրավերտինների և կավերի հանքավայրի «Սալաքար» տեղամասի օգտակար հանածոյի հանքարդյունահանման աշխատանքների շրջակա միջավայրի վրա ազդեցության նախնական գնահատման հայտի վերաբերյալ առաջին քննարկում /1-ին լսում/ :

Վեդի համայնք Գոռավան բնակավայր:

22.07.2025 թ.

2025 թվականի հուլիսի 22-ին ժամը 12:00-ին ՀՀ Արարատի մարզի Վեդի համայնքի Գոռավան բնակավայրի վարչական ղեկավարի նստավայրում /գյուղ Գոռավան, Գևորգ Մարգարյանի 12/ տեղի ունեցավ «ԱՐՄԵՆ ՍԹՈՈՆ» ՍՊ ընկերության /այսուհետ նաև՝ Ընկերություն/ կողմից ներկայացված ՀՀ Արարատի մարզի Վեդի համայնքի Գոռավան բնակավայրի Արարատի տրավերտինների և կավերի հանքավայրի «Սալաքար» տեղամասի օգտակար հանածոյի հանքարդյունահանման աշխատանքների շրջակա միջավայրի վրա ազդեցության նախնական գնահատման հայտի վերաբերյալ առաջին հանրային քննարկում /1-ին լսում/:

Հանրային քննարկմանը մասնակցում էին ՀՀ Արարատի մարզի Վեդու համայնքապետարանի աշխատակազմի Գյուղատնտեսության և Բնապահպանության բաժնի պետ՝ Շ. Բաքոյանը, համայնքապետարանի աշխատակազմի ստորաբաժանումների ներկայացուցիչներ, Գոռավան բնակավայրի վարչական ղեկավարի պարտականությունները կատարող՝ Գայանե Հակոբյանը և գյուղի բնակիչներ, Ընկերության փոխտնօրեն՝ Հ. Գոմկցյանը և Ընկերության ներկայացուցիչ, փորձագետ՝ Գուրգեն Հակոբյանը:

Հանրային քննարկումը /1-ին լսում/ բացեց և խոսքով հանդես եկավ Վեդու համայնքապետարանի աշխատակազմի Գյուղատնտեսության և Բնապահպանության բաժնի պետ՝ Շ. Բաքոյանը, և հայտնեց, որ ՀՀ կառավարության 19.11.2014թ. թիվ 1325-Ն որոշմամբ սահմանված կարգով (այսուհետ նաև՝ Կարգ) կազմակերպվել և իրականացվում է Ընկերության կողմից ներկայացված ՀՀ Արարատի մարզի Վեդի համայնքի Գոռավան բնակավայրի Արարատի տրավերտինների և կավերի հանքավայրի «Սալաքար» տեղամասի օգտակար հանածոյի հանքարդյունահանման աշխատանքների շրջակա միջավայրի վրա ազդեցության նախնական գնահատման հայտի վերաբերյալ թվով 1-ին հանրային քննարկումը /1-ին լսում/:

Ղեկավարվելով Կարգի դրույթներով, Վեդի համայնքի ղեկավարի կողմից հանրային քննարկումների պատասխանատու է նշանակվել Վեդու համայնքապետարանի աշխատակազմի գյուղատնտեսության և բնապահպանության բաժնի պետ՝ Շ. Բաքոյանը :

Վեդու համայնքապետարանի աշխատակազմի գյուղատնտեսության և բնապահպանության բաժնի պետ Շ. Բաքոյանը, նշեց, որ քննարկվող հարցի շուրջ 1-ին հանրային քննարկումն է /1-ին լսում/, հանգամանքների բերումով այն մի քանի անգամ է

տեղի ունեցել, վերջինս առաջարկեց ձեռնարկողին հանդես գալ համապատասխան զեկույցով, որից հետո կիրականացվեն քննարկումները:

Ելույթ ունեցավ Ընկերության ներկայացուցիչ, փորձագետ՝ Գուրգեն Հակոբյանը, վերջինս ներկայացրեց հաշվետվությանը վերաբերող հարցեր, շնորհակալություն հայտնելով լսման կազմակերպող և պատասխանատու կողմին հնարավորինս շուտ լսումը նախաձեռնելուն, և հայտնելով, որ 22.07.2025 թվականին Առավոտ օրաթերթում՝ այսօրվա համարում տպագրվել է լսման անցկացման վերաբերյալ իրազեկման հայտարարություն, որից հետո անցան քննարկման փուլին:

Վեդու համայնքապետարանի աշխատակազմի գյուղատնտեսության և բնապահպանության բաժնի գլխավոր մասնագետ Սիմոն Կարապետյանը հարցեր ուղղեց Ընկերության ներկայացուցիչներին՝

1. Ինչպես եք կարգավորելու ծանր բեռնատարների գերբեռնվածությունը և հումքի արդյունահանման ժամանակ առաջացած փոշեզանգվածը.
2. Փոշեզանգվածի կառավարման ինչ մեխանիզմ եք կիրառելու և լինելու է արդյոք ջրցան մեքենա, թե ոչ.
3. Արդյոք՝ օգտվելու եք գործող ճանապարհից թե այլընտրանքային.
4. Ունե՞ք ջրի սեփական աղբյուր.

Հարցերին պատասխանեց Ընկերության ներկայացուցիչ, փորձագետ՝ Գուրգեն Հակոբյանը հայտնելով, որ ընկերության կողմից նախատեսվում է փոշեզանգվածը նստեցնել ջրցան մեքենքներով, ընդ որում ջուրը կբերվի իրենց՝ Արտաշատ քաղաքում գործող արտադրամասից և հավելելով, որ հնարավորության՝ այսինքն թույլտվության դեպքում հանքավայրի տարածքում պատրաստ են հորատել խորքային հոր: Իսկ ինչ վերաբերվում է այլընտրանքային ճանապարհին, եթե նախատեսնվի նորը կառուցել, ապա անսպասելի կունենան մասնակցություն:

Նշեց, որ հանքավայրը գտնվում է Արարատի մարզի Վեդի համայնքի Գոռավան բնակավայրի վարչական տարածքում, և նշեց վերջինիս հեռավորությունը հանքավայրից՝ 0.5-1.0 կմ.է: Հանքավայրը գտնվում է բարենպաստ ճանապարհատրանսպորտային պայմաններում:

Հաջորդիվ Գոռավան բնակավայրի վարչական ղեկավարի պարտականությունները կատարող Գայանե Հակոբյանը ևս անհանգստություն հայտնեց նախատեսվող հանքարդյունահանումից գոյացող փոշեզանգվածից և ճանապարհների վիճակից, առաջարկելով հետամուտ լինել փոշեզանգվածի նստեցմանը և այլընտրանքային ճանապարհի գաղափարին:

Հարցին պատասխանեց Ընկերության ներկայացուցիչ՝ Գուրգեն Հակոբյանը հայտնելով, որ ընկերությունը պատրաստ է օգտվել առաջարկվող այլընտրանքային ճանապարհից և պատրաստ է մասնակցելու այլընտրանքային ճանապարհի կառուցմանը:

Նախագահողը հարց ուղղեց արդյոք ազդակիր Վեդի համայնքի բնակիչների կողմից կան հարցեր, թե՞ ոչ: Հաշվի առնելով լսարանի դիրքորոշումը՝ հայտարարեց լսման ավարտ:

Կից ներկայացվում է մասնակիցների ցանկը՝ 1 թերթ և հանրային քննարկումների էլեկտրոնային կրիչը:

Վարող՝ Գյուլ. և Բնապահ. Բաժնի պետ՝

/



/

Շ. Բաբոյան

Նախաձեռնող՝ «ԱՐՄԵՆ ՍԹՈՈՒՆ»
ՍՊԸ-ի տնօրեն՝



Կ. Գոմկցյան